


Réserve TGO in



CONFITURIER FRANCOIS,

Où est enseigné la maniere de faire toute sorte de consitures, dragées, liqueurs, & breu-uages agreables.

Ensemble

La Maniere de plier le Linge de Table, & en faire toute sorte de sigures.



A PARIS,

Chez IEAN GAILLARD, ruë S. Lacques, au College du Plessis, à la Diligence.

M. DC. L.

Auec Prinilege de sa Majesté.

T. 674. Andrew Street drug of the state .29 to payou electrical solo skyl Table, & entrictmeetone the security of



ADVERTISSEMENT AV LECTEVR.

fraichement que vous pourrez, &

I vous voulez faire vostre profit de ce Liure, remarquez bien toutes les cuissons du sucre; & lors que ie dis cuit à lisse

gros, à lisse menu, à perle grosse, à perle menu, le menu est le moins cuic, le gros est le plus cuit: quand ie dis cuit en gelée, c'est lors que le sucre est mêléauec des decoctions, ou des jus de fruict. La gelée est faite lors qu'en prenant du syrop auec vne culliere, le versant en bas, il tobe par gros more aux, & ne cou-

A

AV LECTEVR!

le plus comme fait le syrop. Prenez garde que les bouteilles où vous mettez vos breuuages agreables, soient bien nettes, & les bouchez bien aussi.

Tenez vos caux d'Italie le plus fraichement que vous pourrez, & ne les faires qu'à mesure que vous en aurez affaire.

Ne mettez pas vos syrops en lieu trop sec, de crainte qu'ils ne candissent.

Le balet dont ie vous parle pour vos cresmes & laictages doit estre fait de bouleau bien épluché, ou de branches d'ormeau pelé; faites-le de la grosseur du poulce, & le liez bien; coupez les bouts.

Les Salades ausquelles ie ne mets point d'assaisonnement, se seruent aucc le vinaigre & le sucre.

Vous pouuez ambrer & mus-

AV LECTEVR!

quer toutes les prassines auec le muse & ambre preparé. Vous pouuez aussi auec le mesme muse & ambre, musquer & ambrer vos mas-

sepins, mesme les glacez.

Vous pouuez donner les couleurs aux conserues auec les couleurs preparées, lors que vous ne trouuez pas des fruices: Par exemple, au lieu de pistache, vous employerez vn ius de poirée; & au lieu de grenade, vous pourrez vous seruir d'épine-vinette; vous le pouuez aussi ambrer & musquer.

Les fruicts & fleurs que vous blanchirez, tenez les toussours en

lieu sec. of savama or the enor

Vous pouuez donner telle couleur que vous voudrez à vos pastes de sucre auec les couleurs preparées.

Nettoyez bien la paille sur la-

AV LECTEVRA

quelle vous tirerez vos oranges & citrons; vous pouuez les tirer aussi sur des clayes ou fils d'arechal.

Vous pouuez garnir vos compotes auec de l'escorce de citron confit, des cerises à oreille, des pistaches, grains de grenades, marons,

brignolles, &c.

le n'ay point mis le sucre qu'il faut aux consitures à chaque article crainte de saire vn trop gros volume; mais si vous les voulez bien faire, mettez aussi pesant de sucre que de fruich à toutes, excepté les cerises & les coins.

Mettez aux cerises trois quarterons de sucre pour vne liure de cerises, on les peut faire auec moins de sucre, & ne mettre qu'vne demie liure pour vne liure de sucre.

Mettez aux coins cinq quarterons de sucre pour vne liure de fruict. Pour les oranges citrons, vous n'en pouuez trop mettre, il faut qu'ils nagent dans le sucre, le reste vous peut seruir aux conserues, aux prassines, aux compotes de poires, & aux noix vertes.

Mettez aussi liure à liure aux confitures seiches, & apres les auoir tirées de l'estuue, mettez les dans les boëtes de sapin, ou autres, mettant tousiours du papier entre deux crainte qu'elles ne se gastent, & les tenez en lieu sec, ayez soin de les changer souvent de papier, au moins iusqu'à ce qu'elles ne iettent plus de syrop, & que le papier ne soit plus mouillé: Du reste du syrop vous pouuez vous en seruir aux confitures liquides, & aux pastes de fruict, en messant moitié sucre, moitié syrop.

Mettez aussi les pastes de fruick

AV LECTEVR.

dans des boëtes, & les changez souuent de papier, mettez aussi pesant de sucre que de marmelade pour faire vos pastes, vous les pouuez faire à trois quarterons de sucre ou à demie liure.

Tenez vostre candi en lieu sec. Aux pastes de Gennes, mettez vne demie liure de sucre à vne liure de marmelade.

Tenez vostre sel blanc en lieu sec. Tenez bien nets vos bassins ou poëssons dans lesquels vous ferez vos consitures, & qu'ils soient de cuiure rouge, l'escumoire & culliere de mesme cuiure, ou d'argent.

Que le four pour cuire vos mafsepains soit de fer ou de cuiure rouge, ce n'est pas que l'on ne les puisse faire cuire dans vn four de Patissier, ou Boulanger, faute d'autre. **CONTRACTOR OF THE PROPERTY OF**

LE

CONFITVRIER FRANCOIS;

OV

LA MANIERE DE FAIRE toute sorte de Confitures, Liqueurs, & Breuuages agreables.

CHAPITRE I.

Preparation du Musc es de l'Ambre.



ETTEZ le Muscou Ambre dans vn petit mortier de fonte, & le broyez bien auec le pilon aussi de fonte, mettezi-y vn peu de sucre en

poudre, & apres l'auoir bien broyé, A iiij mettez-le dans du papier pour vous en seruir à ce que vous voudrez.

Couleurs préparées.

CHAPITRE II.

Poirée preparée pour faire de la couleur verte.

PRenez des feüilles de poirée bien verte, ostez les cottons, & les lauez bien, & les pilez dans vn mortier, puis les passez dans vn linge pour en tirer le ius, & le mettez dans vn plat, & le faites bouillir vn bouillon, iettez-le sur vn tamis, ou seruiette, prenez ce qui restera sur le tamis pour vous en seruir à vos pastes & conserues.

Gochenille preparée.

Prenez vne once de cochenille, demie once d'allun, demie once de cristal mineral, & broyez bien le tout ensemble dans le mortier de sonte; lors que vous voudrez vous en seruir, délayez-leauce vn peu de verjus, ou de l'esprit de vin, & le passez dans vn linge, & vous seruez du jus.

Gome adragant.

Vous la trouuerez sur les Espiciers & Droguistes.

Fleurs de lys.

En Esté prenez des sleurs de lis, prenez les brains jaunes qui sont dedans, faites les seicher, & les mettez en poudre lors que vous en aurez affaire.

CHAPITRE III.

Clarification du Sucre & Castonnade.

MEttez vostre sucre ou castonnade dans vne bassine ou poësson, faites le boüillir, mettez des œufs dans vne terrine, ou autre vaisseau, sçauoir les coques blanc & le iaune, ou si vous voulez n'y mettez que le blanc, mais tout y est bon: souettez les auec le petit balet, & de l'eau, iusques à ce qu'ils soient tous en escume, mettez en vne partie dans vostre sucre lors qu'il comence à bouillir, le remuez auec l'écumoire, & apres escumez le, & y remettez encore du blanc d'œus fouettez, & l'écumez; cotinuez iusqu'à ce qu'il soit bien clair & bien net, passez le dans vne chausse ou linge, il se gardera si long-temps que voudrez pour peu qu'il soit cuit à lisse.

A vingt-cinq liures de castonnade, il faut enuiron trois pinte d'eau pour la faire fondre, & trois œufs pour la clarifier, & trois demy septiers d'eau auec les œufs pour les fouetter ensemble, faites en sorte auant que passer vostre sucre,

qu'il foit cuit à lisse.

Cuissons du sucre.

La premiere est à lisse, elle se remarque lors que le syrop comméce à s'épaisfir, qu'en le prenant auec le doigt, & le mettant sur le poulce, il ne coulle plus, & demeure rond comme vn poix. Cuit à perle.

Seconde cuisson est lors qu'en prenant auec vn doigt, & le mettant sur le poulce, & ouurant les doigts il en sort vn petit filet; & lors qu'il en sort vn gros de la longueur de la main, cela s'appelle à perle grosse.

Cuit à la plume.

3. Cette cuisson a plusieurs noms disserents, les vns disent à sousse, les autres à l'espatule, d'autres à rosard, d'autres à la plume, à la quelle ie m'arreste, & elle se remarque en mettant vne espatule dedans, & secoüant le sucre en l'air, il s'enuole come des plumes seiches sans gluë; ou bien trempez vne écumoire dans le sucre, soussez au trauers iusqu'à ce que le sucre s'enuole par feüilles: Cette cuisson est celle des conserues & des tablettes.

Cuit à brûlé.

4. Cette cuisson se remarque lors que l'on trempe son doigt dans de l'eau fraische, puis dans le sucre, & qu'en le remettant dans l'eau fraische, le sucre se casse net comme vn verre sans gluë, on peut faire la mesme remarque auec vn

petit baston. Cette cuisson est celle du grand biscuit de citron, celle du caramel, & du sucre tors, ou penide, c'est la derniere cuisson du sucre.

vanceichler, & lors and country

at la longueur de la main, celas ap Breuuages delicieux.

CHAPITRE IV. dimorchis, leavins difent a foutie, les

Hypocras.

Renez de bon vin, le mettez dans quelque vaisseau bien net, & qui ne puisse pas donner de mauuais goust. Mettez dedans du sucre ou castonnade, vn peu de canelle, du gingembre la grofseur d'vnenoisette, du pointe long deux brains, douze cloux de girofle, de la fleur demuscade, ou massis deux feuilles, vne pomme de reinerte pellée & coupée par rouelle; laissez le tout tremper enuiron demie heure, tenez le couvert, puis pilez vne douzaine d'amendes douces à demies pilées, & les mettez dans vostre chausse quand vostre sucre sera fondu, & que vous serez prest à passer vostio

hypocras; mettez dedans vn peu d'eau de sleur d'orange, & le passez sur vos amendes, & le passez sur vos amendes, & le passez sur vos amendes, & le passez sur quatre fois: si vous le voulez ambrer & musquer, broyez vostre ambre & musc dans vn petit mortier auec vn peu de sucre en poudre, & lemettez dans du cotton, ou silasse, & l'attachez au bas de vostre chausse, & passez l'hypocras pardessus; si vous voulez le garder plus de huit iours, n'y mettez point de pomme ny de citron. Il faut à deux pintes de vin en-uiron vne liure & demie de sucre, deux grains d'ambre, & vn grain de musc.

Roffely, farescuire vne liure de fucie à la plume, metre viologe le prier d'elprie

Prenez de bon esprit de vin, le metrez dans vne bouteille ou vaisseau bien net, & estroit par enhaut, mettez dedans six grains de poiure blanc concassé, du poiure long deux grains, du massis deux feuilles, vn peu decanelle, douze cloux de giroste, gros comme vne noisette de gingembre, & que le tout soit bien proportionné, de l'anny & de la coriande trois pincées qui soient concassées, bou-

chez le bien, & le laissez infuser vingtquatre heures en lieu frais, puis le passez dans vne chausse comme l'hypocras, mettez vn ius de citron en le passant, faites cuire vostre sucre à la plume, puis ostez le de dessus le feu, & mettez vôtre esprit de vin dedás, & le passez dereches à la chausse, il faut beaucoup plus d'ambre & de muse qu'à l'hypocras; Il faut à vne pinte d'esprit de vintrois liures de sucre.

no div ab sarri Populo. Tal II done

Faites la mesme composition qu'au Rossoly, faites cuire vne liure de sucre à la plume, mettez demy septier d'esprit de vin dedans, apres l'auoir passé, & le laissez refroidir, mettez dedans vne chopine de bon vin blanc bien clair, vne pomme de reinette pelée & coupée par rouelle, vn peu d'eau de sleur d'orange, passez le à la chausse comme le rossoly, n'oubliez pas à le bien ambrer & musquer.

Angelique.

Prenez vne pinte de blanquette, ou

vin de Scipion, mettez dedans vneliure de sucre royal, vn peu d'anis & de coriande concassée, vne pomme de reinette, & vn citron pelé & coupé par rouelle, trois ou quatre zestes de citron, vn peu de poudre de cypre, vn peu d'eau de sieur d'orange; laissez le tout infuser sans feu demie heure, & le passez à la chausse auec ambre & muse comme l'hypocras-

Vin brûlé.

Prenez vne aiguiere d'argent, ou pot de terre neuf, mettez dans vne pinte de bon vin vne liure de sucre, vn peu de massis, du poiure long, cloux de girosse, vne branche de laurier, deux branches de romarin; & ayez vn grand seu de charbon, mettez vostre pot au milieu, & que le seu soit tout autour: lors qu'il bout bien sort, mettez y le seu auce du papier; & lors que le seu de dedans s'eteint, il le saut oster de dessus le seu, il se boit tout chaud.

or an interest of the period of the posterior

Vin des Dieux. (1 1001)

Pelez des pommes de rainette, & des citrons, autant de l'vn que de l'autre, les coupez par rouelles, ayez vn bassin ou plat, faites vn list de pomme & de citron, & mettez dessus vn list de sucre en poudre, & continuez selon la quantité que vous en desirez faire, & mettez de bon vin par dess' iusques à ce qu'elles trempent, les couurir & les laisser enuir deux heures insuser, & le passez à la chausse comme l'hypocras.

Sorbec, façon d'Alexandrie.

Prenez vne rouelle de veau, la degraissez bien, coupez la par morceaux, la faite cuire auec trois pintes d'eau iusqu'à ce qu'elles soient reduittes à chopine, & la passez dans vn linge, & prenez la decoction, & la mettez auec deux liures de sucre, & le ferez cuire à la plume, & l'ostez de dessus le feu, & mettez dedans vne chopine de ius de citron, & la mettez das des phioles de verre; cette liqueur liqueur de conserue pourueu qu'elle soit bien bouchée & tenuë en lieu sec, & lorsque l'on s'en veut seruir, il en faut prendre deux cuillerées, & les mettre dans vn verre & l'emplir plein d'eau fraiche, & le verser dans vn autre par plusieurs sois.

Aigre de Cedre.

Prenez vn quarteron de gros citrons, les coupez de leurs longueurs, ostez les testes & les pepins, leuez bien doucement l'endroit où est le jus, & le mettez dans vn pot de terre neuf: faites cuire deux liures de sucre à la plume, & lors qu'il sera cuit mettez vostre pot sur vn grand seu de charbon, & jettez vostre sucre cuit dedans, & le laissez bouillir iusqu'à ce que le syrop soit cuit à perle, il se conserue & s'employe de mesme que le Sorbec.

Limonade.

Prenez vne pinte d'eau, mettez dedans demie liure de sucre, le ius de six citrons & de deux oranges, l'écorce de la moitié d'vn d'vn citron & d'vne orange que vous aurez pressé: battez bien l'eau dans deux vaisseaux bien nets en 18

no li Orangiade.

Elle se fait de mesme saçon que la Limonade, sinon qu'il n'y faut point de citrons.

LES EAVX D'ITALIE.

Eau de Framboise.

Prenez des Framboises bien mures, les pressez & les passez dans vn linge, mettez le jus dans vne phiole ou bouteille de verre découuerte, mettez-la trois ou quatre heures au Soleil, puis tirez le jus bien doucement crainte de remuer la lie qui est au sonds; mettez demy septier de jus auec vne peinte d'eau fraische, demie liure de sucre, les battez bien dans deux vaisseaux, & lors que le sucre est sondu, passez la dans vne seruiette: Elle se boit le plus frais que l'on peut.

L'eau de Cerise, de Grenade & de Groseille se sont de la mesme saçon.

Ean d'Abricots.

Prenez des Abricots bien murs, ostez les noyaux, faites-les cuire dans de l'eau bien nette, & laissez refroidir l'eau, & la passez dans vne seruiette, mettez à vne pinte d'eau vn quarteron de sucre: Elle se boit comme celle de Framboise.

Eau de Iasmin.

Prenez vne pinte d'eau, mettez-y vn quarteron de sucre royal, vne poignée de sleurs de Iasmin, mettez le tout tremper ensemble l'espace de demie heure, & les battez dans deux vaisseaux, puis la passez dans vne serviette.

L'eau de sleurs d'orange, & de roze muscade, se sont comme celle de las-

min.

Eau d'Espine-Vinette.

Prenez les grains de l'Espine-Vinete, faites les boüillir vn boüillon auec vn peu d'eau, les passez, prenez le jus, & en mettez demy septier, auec vne pinte d'eau, vn quarteron de sucre, battez-les bien dans deux vaisseaux, & la passez dans vne seruiette.

Eau de Goriande.

Concassez de la Coriande, & la met-

vn quarteron de sucre, & les laissez tremper iusqu'à ce que l'eau ait bien prix le goust, & la passez.

L'cau d'Anis, d'Orange, & de Citron, fe fait de mesme celle de Coriande.

Eau de Canelle.

Faites bouillir vne pinte d'eau, auec demie once de canelle rompuë par morceaux, apres l'auoir osté de dessus le seul, mettez y vn quarteron de sucre, laissez la refroidir, & la passez.

Syrops rafraischissans.

CHAPITRE V.

som V sai Syrop de Violette.

Eparez les feuilles de Violette d'auec leurs boutons, & les pilez dans vn mortier, faites cuire du sucre à la plume, ostez-le de dessus le feu, & mettez vos Violettes dedans, & les remuez auec le sucre, passez-les dans vne seruiette: Il faut à vne liure de sucre quatre onces de feuilles de violette mondez.

Syrop de Violette par infusion.

Prenez vn coquemar de terre neuf, mettez quatre onces de violette mondées dans vne chopine d'eau, le bouchez bien, faites-le infuser sur de la cendre chaude l'espace de vingt-quatre heures, passez les violettes dans vne seruiette, & les pressez, prenez la decoction qui en sort, faites la boüillir auec vne liure de sucre, iusqu'à ce que le syrop soit cuit à perle, tirez le, & le serrez dans vne phiole ou bouteille de verre, & le bouchez lors qu'il sera froid.

Syrop de bouroche, de buglose, de roze passe, se sont de mesme que ce-

luy de violette.

Syrop de Cerife.

Prenez deux liures de cerises bien mures, ostez la queuë & les noyaux, faites les boüillir auec demy septier d'eau iusqu'à ce qu'elles ayent jetté toute leur eau, passez-les dans vne serviete, prenez demy septier du jus, & le mettez auec vne liure de sucre, faites-les boüillir iusqu'à ce que le syrop soit

22

Syrop d'Abricots.

Prenez des Abricotsbien murs, les pelez, & ostez les noyaux, mettez sur vn bassin des petits bastons bien nets, faites sur les bastons vn liet d'Abricots, & vn liet de sucre en poudre, & continuez selon la quantité qu'en desirez faire: couurez-les & les mettez à la caue toute vne nuiet, tirez le syrop qui sera tombé dans le bassin si vous le voulez garder, faites-le boüislir vn boüislon iusqu'à ce qu'il soit cuit à perle.

Les Abricots vous peuvent seruir à

faire des tourtes ou marmelades.

Syrop de Verjus.

Pilez du Verjus & en tirez le jus, mettez le dans vne bouteille de verre découuerte, mettez la au Soleil, ne la bouchez point, & la tenez toûjours pleine: lorsque le Verjus sera clair, faites cuire vne liure de sucre à la plume, & mettez demy septier de Verjus dedans, tirez le & le serrez.

Syrop de Coins.

Rapez des Coins bien murs, pressez

la rapure dans vne serviette ou presse, prenez le jus qui en sort, & le mettez dans vne phiole de verre, mettez le au Soleil ou en lieu chaud; & lorsqu'il sera clair, faites cuire vne liure de sucre à la plume, ostez le de dessus e feu, & y mettez dedans quatre onces du jus, tirez-le & le serrez.

Syrop de Mures.

Prenez vn demy cent de mures qui ne soient encore que rouges, faites les bouillir auec demy septier d'eau; lors qu'elles seront cuites, passez les dans vne seruiette, & les pressez, prenez le jus, faites le bouillir auec vne liure de sucre iusqu'à ce qu'il soit cuit à perle, tirez le & le serrez.

Syrop de pommes.

Pelez des pommes par ruelles, ostez les pepins, accommodez les comme le syrop d'abricots, mais ne les faites point cuire.

Syrop de Grenade.

Epluchez bien les grains & les pressez, & en tirez le jus, mettez le dans vne bouteille de verre en lieu chaud, lors qu'il sera clair, faites cuire vne liwre desucre à la plume, ostez-le du seu & y mettez demy septier de jus de grenade, tirez le & le serrez.

Syrop de citron. Tuo listal

Faites cuire vne liure de sucre à la plume, prenez quatre onces de jus, & le mettez dans le sucre hors du seu, tirez-le & le serrez.

CHAPITRE VI.

end word nough vand bout ulinion

Aites cuire vne liure de sucre presque à la plume, mettez dedans vne liure d'amades douces auecleurs peaux, & les remuez, & lors que vous verrez que le sucre sera cuit à la plume, ostez-les de dessus le seu & les laissez restroidir en les remuant toûjours pour leur faire prendre leur sucre, & estant froide mettez-les sur vne table, ostez le sucre qui n'aura pas pris aux prassines, & le mettez à part; remettez les prassines dans la bassine où elles auront cuit sur le feu, & les remuez toûjours auec l'es-

patule: lorsqu'elles jetteront leur jus, mettez le sucre qui a resté dedans, & & les remuez pour les faire couurir de sucre, & lors qu'elles jettent leur jus mettez les en bas, & remuez-les iusqu'à ce qu'elles soient froides: remettez-les encore vne sois ou deux sur le seu pour les faire rougir, remuez toûjours, & les ostez lorsqu'elles commencent à jetter leurs eaux: Vous les pouuez ambrer & musquer.

Prastines de Citron.

Prenez des zestes de citron & les faites cuire à l'eau & confire, commeil est dit dans le Traitté des zestes de citrons & d'oranges. Lorsque le sucre est cuit à perle mettez les zestes dedans & les ostez du seu, remuez-les bien asin qu'ils se couurent de sucre, tirez les sur de la paille comme les oranges.

Praslines de violette.

Faites cuire demie liure de sucreà la plume, ostez-le du seu, mettez dedans enuiron trois onces de seuilles de violette mondée, & vne liure de prassine, remuez le tout ensemble auec l'espatule, & les tirez sur de la paille.

De roze, & genests.

Prenez des feuilles de rozes & les coupez bien menues, & faites les praslines comme celles de violette.

Conserues.

CHAPITRE VII.

Conserue de fleurs d'Oranges.

Mondez la feuille de fleurs d'orange de son bouton, coupez-la par petits morceaux, faires cuire du sucre à la plume, ostez-le du seu, mettez vôtre sleur d'orange dedans, remuez-la auec vne culiere ou espatule, & la dressez sur du papier lorsqu'elle commence à froidir.

De fleur d'Orange liquide.

Mondez la fleur d'orange de son bouton, & la faites bouillir vn bouillon dans de l'eau, tirez la & la mettez dans de l'eau fraische, faites la égouter & la pilez dans vn mortier, faites cuire du sucre à la plume, ostez le du seu, mettez vostre seur d'orange dedans & le messez ensemble, & la mettez dans vn pot de fayance ou grais, & la laissez refroidir auant que de la couurir: Il faut vne liure de sucre à demie liure de seur d'orange.

Conserue d'eau de fleurs d'orange.

Faites cuire du sucre à la plume, ostezle de dessus le seu, mettez dedans vn peu d'eau de sleur d'orange, & la dressez sur du papier.

De grains de grenade.

Mondez les grains de grenade bien rouge, faites vne quaisse de papier de grandeur pour contenir le sucre que vo' y voudrez mettre, mettez les grains de grenade dedans, faites cuire du sucre à la plume, & le versez dans la quaisse sur la grenade, lorsqu'elle commence à froidir, coupez-la par bande auec vn couteau.

De Pistache.

Mondez les pistaches auce de l'eau chaude, & les mettez dans de l'eau froide, faites-les égouter & les pilez dans vn mortier, faites cuire du sucre à la plume, ostez le du feu, & mettez les pista-

ches dedans, & les messez bien, & les dressez sur du papier.

Autre conserue de pistache.

Mondez des pistaches & les coupez par morceaux, faites cuire du sucre à la plume, & mettez des pistaches dedans & les dressez sur du papier.

De jus de citron.

Faites cuire du sucre à la plume, ostezle du seu, mettez du jus de citron dedans, & le dressez sur du papier.

Rapure de citron.

Rapez vn citron dans de l'eau, pasfez-la dans vn linge, faites secher la rapure, faites cuire du sucre à la plume, mettez la rapure dedans & la dressez sur du papier.

Conserue de Rose.

Prenez des rozes de Prouins en poudre, & les délayez auec vn peu de jus de citron, faites cuire du sucre à la plume, ostez-le du seu, & mettez les rozes dedans, & les dressez sur du papier.

Conserue de violette.

Mondez les feuilles de violette de leurs boutons, pilez les dans vn mortier, & les passez dans vn linge pour en tirer le jus, faites cuire du sucre à la plume, ostez le de dessus le seu, & mettez vostre jus de violette dedans, le remuez & le dressez sur du papier.

Conserue de violette marbrée.

Faites la de mesme saçon que l'autre; & apres auoir misle jus de violette, mettez-y vn peu de jus de citron, & elle so fera de plusieurs couleurs.

Conserue marbrée.

Prenez des abricots secs, des cerises seches, de l'écorce de citron consite bien verte, coupez-les par petits
morceaux, faites cuire du sucre à la plume, & les mettez dedans & la dressez.
Vous pouuez en faire aussi de toutes
sortes de fruicts & de sleurs de diuerses couleurs.

De cerifes.

Prenez des cerises bien mures, ostez les noyaux & la queuë, faites les vn peu boüillir auec de l'eau, égoutez-les bien, coupez-les par morceaux, faites cuire le sucre à la plume, ostez-le de dessus le feu, & mettez vos cerises dedans & les dressez.

Ins de cerise.

Prenez des cerises vn peu vertes & en tirez le jus, & les faites comme les precedentes.

Groseilles rouges & framboises, se font comme les cerises.

Caramelle.

Faites cuire du sucre à brûlé, ostezle du seu, mettez vn peu d'ambre dedans, frotez vne pierre de marbre ou assiette d'huile d'amandes douces, jettez vostre caramelle dessus par petits morceaux comme de la conserue, & la tirez auec la culiere.

Doib al 3 Sucre tors, and al 38 . on

Faites cuire du sucre à brûlé, ostez-le du seu, & le jettez sur vne pierre de marbre que vous aurez froté d'huile d'amande douce, frotez aussi vos mains & le maniez bien, ayez des crochets de fer pour le tirer & le filer, & le dressez comme le massepain tortillé.

Peneides.

Elles se font de mesme le sucre tors.

Tranches de jambon.

Faites cuire du sucre à la plume, mêlez-le dans trois vaisseaux; dans l'vn mettez du jus de citron, dans l'autre des rozes de Prouins, & à l'autre de la cochenille en poudre, ou du jus de grenade ou d'espine vinette en poudre, faites vn list de la blanche sur du papier, deux lists de rouge, continuez iu qu'à ce que le sucre soit de l'épaisseur d'vn jambon, coupez le par tranches en forme de tranche de jambon.

La maniere de blanchir les fruits & les fleurs.

CHAPITRE VIII.

Blanchir le fenouil, cerises, groseilles, &c.

Parez des bouquets de fenouil lors qu'ils sont désseuris ou sees, mettez des blancs d'œufs dans vn plat auec vn peu d'eau de sleur d'orange, trempez les bouquets dedas puis les sucrez de sucre en poudre jusqu'à ce qu'ils soient tous blancs, faires-les secher deuant le seu

Fenoüil au sec.

Prenez des jettons ou branches de fenouil vert bien tendre, faites-les bouillirà grande eau, estant cuites metrez-les dans de l'eau fraische, égourez les bien, faites cuire du sucre à perle, mettez vostre fenouil dedans, & le faites bouillir à grand feu iusqu'à ce que le sucre soit cuit à la plume, ostez le du feu, & tirez le fenouil surde la paille.

Rozes au sec. Prenez des boutons de rozes, ostez le vert, laissez la queuë, faices-les bouillir deux ou trois bouillons, mettez les dans de l'eau fraische, confisez, & les

rirez de mesme le fenouil.

CHAP. IX.

Oranges & Citrons entiers.

don't dans yn plac anec yn T Euez la peau des oranges le plus delicatement que vous pourrez, mettez la pelure dans de l'eau fraische, & les oranges dans d'autre eau, faites bouillir bouillir de l'eau, fendez les oranges par le bout, & les mettez cuire, faites-les bouillir demie heure, & les tirez & mettez dans l'eau fraische, vuidez le jus les zestes & les grains de dedans auec vne petite culiere d'acier, faites cuire du sucre à perle, égoutez les oranges, faitesles bouillir à grand feu iusqu'à ce que le sucre soit cuit à la plume, ostez les de dessus le seu, les laissez vn peu reposer, tirez les oranges sur de la paille, & les laissez secher auant que de les leuer: Pour vn quarteron d'oranges il faut enuiron six liures de sucre.

Oranges par anneaux.

Pelez les oranges comme les entieres, & les coupez par rouelles de l'épaisseur d'un demy doigt, mettez-les dans de l'eau fraische, faites bouillir de l'eau, égoutez-les, vuidez - le dedans des anneaux, faites les cuire à l'eau, estant cuites tirez-les & les mettez dans l'eau fraische, & les confisez comme les oranges entieres, & les separez en les tirant sur la paille.

Oranges en Tailladins.
Pelez les oranges de me me les au-

tres, mettez-les à mesure dans de l'eau fraische, coupez les en quatre, vuidez bien le dedans, & les nettoyez auec vn couteau, coupez-les par bandes comme des latdons, mettez-les à mesure dans l'eau fraische, faites bouillir de l'eau & les égoutez, & les mettez dedans, faites-les cuire, & les remettez dans l'eau fraische, consisez-les comme les autres, & les tirez sur la paille auec des fourchetes en forme de petits rochers.

Zestes d'oranges.

Prenez les zestes ou pelures que vous auez leuez, faites-les bouillir à grande eau enuiron demy quart d'heure, tirez-les, & les mettez dans l'eau fraische, faites-les bouillir dans quatre eaux differentes, & les mettez toûjours dans de l'eau fraische, faites-les égouter & les consisez comme les oranges, & les mettez sur la paille en forme de petits rochers.

Citrons par quartiers.

Pelez les citrons comme les oranges, fendez les en quatre, & nettoyez bien le dedans, mettez-les à mesure dans l'eau fraische, faites bouillir de l'eau & les mettez dedans, tirez-les lorsqu'ils commenceront à amollir, & les mettez dans l'eau fraische, confisez-les comme les oranges, & lestirez sur la paille, separez-les les vns des autres.

Tailladins de citrons se font de mes-

me ceux d'oranges.

Chair de citron.

Prenez de gros citrons ou limons, & les pelez comme les oranges, leuez la chair auec vn couteau le plus long & leplus large que vous pourtez, & del'épaisseur d'vn escu blanc, mettez les à mesure dans l'eau fraische, faites-les cuire à l'eau, & les consisez comme les quartiers de citron, & les mettez sur la paille sans qu'ils se touchent l'vn & l'autre.

Chair de ponsiere & de ballotin, se consisent de mesme celle de citron.

Confitures qui ne se font point fur les Confituriers de boutique.

CHAPITRE X.

Compotte de pomme.

PRenez des pommes de reinette, les pelez, & les coupez par quartiers, ostez les cœurs, & les mettez à mesure dans l'eau fraische, faites-les cuire auec de l'eau & du sucre à grand seu, estant cuites tirez-les & les mettez égouter sur vne assiette ou sur le bord d'vn plat, & les dressez sur vne assiette, & acheuez de faire cuire vostre syrop, faites-le boüllir iusqu'à ce qu'il soit cuit en gelée, & lors qu'il commence à froidir mettez-le sur les pommes auec vne culiere: Il faut pour six pommes trois chopines d'eau, & trois quarterons de sucre.

Compote de Calui.

Prenez des pommes de calui bien rouges, coupez-les par quartiers, fendez la peau par taillades, ostez le cœur, & la faites cuire comme la compote de reinette, n'y mettez pas tant d'eau, & y mettez demy septier de vin.

Autres pommes.

Coupez des pommes de reinette par quartiers, ostez les cœurs, & les faites cuire auec chopine d'eau & demie liure de sucre lors qu'il n'y aura plus de syrop, & qu'il commenceront à rotir par desfous, mettez vne assiette dessus, & les renuersez comme vn fromage que l'on retourne, faites que la peau soit desfus.

Pommes entieres.

Prenez des pommes de reinette, tailladez la peau, & les faites cuire comme les pommes par quartiers, laissez-y vn peu de syrop & les seruez entieres.

Gelée de pomme de reinette.

Pelez des pommes de reinettes, coupez-les par morceaux, ostez les pepins, faites les cuire auec de l'eau passez-les dans vne seruiette & les pressez bien,

C iij

prenez la decoction des pommes & la faites bouillir auec du sucre à grand seu iusqu'à ce que le syrop soit cuit: Il faut pour vne pinte de decoction vne liure de sucre.

Gelée de Grenade.

Faites la gelée des pommes de reinette, & lors qu'elle sera presque cuite, mettez des grains de grenade bien rouges que vous aurez mondez, & les faites vn peu bouillir, & les passez dans vn linge.

Compote de marons.

Faites rotir des marons à la braise, pelez les & les applatissez, & puis les mettez dans vn plat d'argent auec du syrop d'abricots ou autre, vn peu de vin d'Espagne, faites les bouillir lorsque vous les voudrez seruir, mettez vne assiette dessus, & les renuersez comme vn fromage.

Compote de Gitron.

Ostez la peau des citrons, & les coupez par rouelles, ostez les pepins, faites-les bouillir un bouillon dans de l'eau, tirez-les & les mettez dans l'eau fraische, faites cuire du sucre à perle grosse, egoutez-les & les mettez dedans boüillir iusqu'à ce que le syrop soit cuit en gelée, & les dressez sur vne assiette.

Compote d'orange.

Faites-la comme celle de citron, mais ne la faites point cuire à l'eau.

Compote de chair de citron.

Pelez les citrons, leuez la chair par tranches, mettez-la à mesure dans l'eau fraische, faites bouillir de l'eau, & faites bouillir vostre chair de citron ded as, remettez-la dans l'eau fraische, faites cuire du sucre à perle, mettez la chair de citron dedans iusqu'à ce que le syrop soit cuit à perle grosse, dressez-la sur vne assiette, mettez du jus de citron en seruant.

La compote de chair d'orange se fait de mesme.

Compote de poires.

Pelez des poires, faites-les cuire à grand feu & grand eau, estant cuites mettez les dans de l'eau fraische, faites-les égouter & les consisez auec l'eau, & les sucrez, mettez du jus de citron en seruant.

Pelez des poires de cuisse-madame, ou d'autres poires, & les mettez dans vn pot de terre auec de l'eau, du sucre, & vn peu de vin & de canelle, laissez les bouillir iusqu'à ce qu'il n'y aye plus guere de syrop.

Compote de poires au jus d'orange.

Faites cuire de grosses poires à la braise ou à la cloche, pelez les ou les fendez par quartiers, ostez le cœur & les faites bouillir auec du sucre & vn peu d'eau, lorsque le syrop sera tout consommé, mettez y du jus d'oranges & les tirez.

Compote d'espine-vinette.

Ostez les queuës & les pepins de l'espine vinette, faites-la bouillir auec de l'eau & du sucre, faites cuire le syrop à perle, & la tirez.

Marons au fec.

Faites cuire des marons à la braise & les pelez, faites cuire du sucre à la plume & l'ostez du seu, mettez les marons dedans & les remuez, tirez les lorsque le sucre commencera à froidir, mettez-les sur la paille.

Marons glassez.

Faites vne glace auec de l'eau de fleur d'orange & du sucre, comme il est dit au glacé de macepain, faites cuire des marons à la braise & les pelez, & les applatissez, glacez-les d'vn costé & les faites cuire auec le dessus du four, puis les retournez de l'autre costé & les glacez, & faites cuire de mesme.

Brugnolles glacées, cerises & pêches,

se font de mesme les marons.

Abricots glacez.

Prenez des abricots confits secs, & les glacez de mesme les marons.

Pistaches au sec.

Mondez les pistaches dans l'eau chaude, puis les mettez dans l'eau fraische, faites-les égouter & secher, & les tirez au sec comme les marons.

Gelée de Coings.

Coupez les coings par morceaux, & les faites bien bouillir dans de l'eau, passez les dans vn linge & les pressez bien, prenez la decoction qui ensort, & mettez à vne pinte vne liure de sucre, faites-la cuire à petit seu & la tenez couuerte, lorsqu'elle sera cuite tirez la &



42 Le Confiturier

Cotignac clair.

Faites-la de mesme celle de coings, & la mettez dans des boëtes de sapin, vous pouuez y mettre vn peu de cochenille pour la rendre plus rouge.

Cotignac espais.

Pelez des coings bien murs, coupezles par morceaux, faites-les bien cuire dans de l'eau, & puis apres les passez dans vne passoire bien deliée, prenez ce qui sera passé, faites cuire du sucre à perle auec de l'eau dans laquelle auront cuit les coings, faites les bouillirà petit feu iusqu'à ce qu'ils soient cuits en gelée, & les serrez dans des boëtes de sapin: Il faut à vne liure de marmelade vne liure de sucre.

Marmelade de Coings.

Faites le de mesme le cotignac espais, mais ne le faites pas tant cuire, & la mettez dans des pots de fayance ou de terre, & la couurez de papier lorsqu'elle sera froide.

Marmelade de pommes.

Elle se fait de mesme celle des coings.

Cotignas de pommes.

Faites le comme celuy de coings, faites-le cuire à grand seu, & ne les couurez point.

Confitures liquides.

CHAP. XI.

Abricots verts.

Pelez les abricots & les mettez à mesure dans de l'eau fraische, faites tiedir de l'eau & les mettez dedans, mettez y vn peu de vinaigre & les tenez couvertes, faites-les bouillir iusqu'à ce qu'ils soient verts, ostez-les du seu & les laissez refroidir dans l'eau, tirez-les & les mettez dans l'eau fraische, faites cuire du sucre à perle, égoutez les abricors & les mettez dedans, faites-les cuire à grand seu iusqu'à ce que le syrop soit cuit à perle grosse, tirez-lez, si c'est pour garderne faites pas tant cuire le sucre auant que de les y mettre.

Amandes.

Faites cuire de la cendre ou de la grauelée auec de l'eau, mettez les amandes dedans, & les y laissez iusqu'à ce qu'elles se pelent sous le poulce, ostezles de l'eau, pelez les auec les doigts,& & les mettez dans de l'eau fraische, & les consisez comme les abricots.

Groscilles vertes.

Ostez la sleur, la queue & les grains de dedans, & les faites cuire & confire comme les abricots.

Cerises à noyaux.

Prenez des cerises bien mures, & ostez la queuë, faites cuire du sucre à la plume, mettez les cerises dedans & les faites boüillir à grand seu vn quart-d'heure, ostez-les de dessus le seu, & les laissez refroidir, remettez-les sur le feu, & les faites cuire iusqu'à ce que le syrop soit cuit à perle grosse, & les tirez.

Framboises.

Prenez des framboises, qu'elles ne soient pas trop mures, ostez la queuë & les mettez dans vue terine, faites cuire du sucre à la plume, & les mettez sur

les framboises, mettez les das vne etuue ou lieu sec vn demy iour, faites-les bouillir à seu mediocre, iusqu'à ce que le syrop soit cuit à perle.

Groseilles rouges.

Ostes les queuës des groseilles, faites cuire du sucre à la plume, & mettez les groseilles dedans apres les auoir écumées, laissez-les refroidir & les acheuez de cuire, faites que le syrop soit cuir à perle.

Abricots anec le noyau & la peau.

Prenez les abricots lorsqu'ils commencent à meurir, ostez la queuë & les
percez par endroits auec vn couteau,
faites tiedir de l'eau, mettez les abricots dedans, ne les faites pas boüillir,
tirez-les à mesure qu'ils mousseront sur
l'eau, & les mettez dans l'eau fraische
& les égoutez, & faites cuire du sucre
à perle, mettez les abricots dedans,
laissez-les boüillir demy quart d'heure,
ostez-les du seu & les laissez refroidir,
& les acheuez à grand seu, faites cuire
le syrop à perle grosse.

Mures.

Prenez des mures vn peu rouges,

ostez la queuë, faites cuire du sucre à la plume, mettez les mures dedans apres les auoir escumées, laissez-les refroidir & les faites bouillir iusqu'à ce que le syrop soit cuit à perle.

Abricots sans noyau.

Ostez les noyaux des abricots & les piquez, puis les consisez comme les autres.

Abricots sans peau.

Pelez les abricots le plus delicatement que vous pourrez, & les mettez à mesure dans l'eau fraische, faites-les blanchir à l'eau, & les confisez comme les autres.

Prunes Imperiales.

Prenez les prunes lorsqu'elles commencent à meurir, faites chausser de l'eau, mettez les prunes dedans apres les auoir piquées auec la pointe d'vn couteau, mettez y vn peu de vinaigre, & les tenez couvertes, faites bien chausser l'eau, mais ne la faites pas bouillir, lorsqu'elles commenceront à verdir ostez-les du seu, & les laissez refroidir dans leur eauë, tenez-les couvertes estant froides, tirez-les & les mettez

dans de l'eau froide, faites cuire du sucre à la plume, égoutez les prunes & les mettez dedans, faites les cuire à grand seu, & apres les auoir escumées ostez les du seu, & les laissez froidir, acheuez de les faire boüillir à grand seu iusqu'à ce que le syrop soit cuit à perle grosse, tirez-les & les serrez.

Imperiales sans peau.

Pelez les Imperiales le plus delicatement que vous pourrez, mettez-les à mesure dans l'eau fraische, & les faites cuire & confire de mesme les autres.

De perdrigon blanc.

Prenez le perdrigon blanc vn peu verte, & les faites verdir & confire de mesme les imperiales.

Perdrigon sans peau.

Pelez les prunes, & les mettez à mefure dans l'eau fraische, faites-les verdir & confire de mesme les autres.

Perdrigon rouge.

Faites les cuire à l'eau bouillante, & les tirez à mesure qu'elles cuiront & les mettez dans de l'eau fraische, faites cuire du sucre à la plume, & mettez les prunes dedans apres les auoir esgou-

tées, faites-les cuire à feu mediocre, laissez les refroidir apres les auoir escumées, acheuez les au mesme seu, & faites cuire le syrop à perle & les tirez.

Prunes de damas rouge.

Elles se confisent de mesme le perdrigon. Toutes sortes de prunes se peuuent confire en l'vne de ces deux sortes. Celles qui se doiuent verdir de mesme les imperiales: & celles qui se doiuent rougir de mesme le perdrigon rouge. Les blanches se peuuent faire aussi de mesme le perdrigon rouge, mais faitesles cuire dans le sucre à grand seu.

Poires de rouselet.

Prenez des poires de rousselet bien mures, faites-les cuire à grande eau, estant cuites mettez-les dans de l'eau fraische, pelez-les bien delicatement, & les remettez dans de l'eau fraische, faites cuire du sucre à lisse, & mettez les poires dedans, faites-les cuire à feu mediocre: Vous y pouuez mettre du clou de girosse & de l'écorce d'orange seiche, laissez-les refroidir & les acheuez de mesme, faites cuire le syrop à perle, & les tirez.

Poires

Poires muscadelles.

Faites-les cuire de mesme le rousselet, mais faites-les cuire à grand seu, & n'y mettez point de clous ny d'orange. Toutes sortes de poires se peuvent confire de la mesme saçon: Les blanches saites-les cuire à grand seu.

Noix blanches.

Prenez des noix vertes bientendres, & les peleziusqu'au blanc, & qu'il n'y demeure point de vert, mettez-les à mesure dans l'eau fraische, faites - les cuire à grand feu & grande eau apres les auoir percées de trauers auec vne lardoire, laissez-les bouillir iusqu'à ce qu'en les picquant auec vne épingle elles n'y tiennent point, tirez-les & les mettez dans l'eau fraische, & les picquez de canelle, de clous de girofle ou d'escorce de citron confite, faires cuire du sucre à lisse & les mettez dedans, faites les cuire à grand feu, laissez - les refroidir & les acheuez de cuire, faites le syrop à perle, & les tirez.

Noix verses.

Prenez des noix vertes bien rendres, pelez-les & les percez, faites-les cuire Le Confiturier & confire comme les autres.

Auant-pêches.

Faites les bouillir dans de l'eau iufqu'à ce que la peau commence à se leuer, tirez-les alors & les mettez dans de l'eau fraische, puis leuez la peau & les mettez égouter, faites cuire aussi du sucre à perle, & mettez le fruict dedans, faites-les cuire à grand seu, puis les laissez refroidir, & les acheuez de faire cuire iusqu'à ce que le syrop soit cuir à perlegrosse, puis vous les tirerez. Alberges.

Prenez les alberges & les mettez dans l'eau fraische, faites cuire du sucreà perle, faites-les égouter & les mettez dedans lorsque le syrop sera presque
cuir à perle, ostez-les du feu, mettezles dans vne terine & les laissez reposer
vingt-quatre heures, remettez-les sur
le feu, & faites cuire le syrop à perle
grosse & les tirez.

On peut confire de la mesme façon les mirlicotons, les mirabolans, & toutes les pauies ou pêches dont le noyau tient à la chair. Si vous en confisez, il les faut recuire de deux mois en deux mois, ou lorsque le syrop commence à se décuire.

Pêches de Corbeil.

Prenez des pêches vn peu vertes & les pelez, & ostez les noyaux, mettez le fruict dans de l'eau fraische, faites-les verdir à l'eau comme les prunes imperiales, & les confisez de la mesme façon.

Muscat.

Prenez le muscat lorsqu'il commence à meurir, ostez les pepins, faites cuire du sucreà la plume & y mettez le muscat, couurez-le & le laissez reposer, estant froid remettez-le sur le seu mediocre, faites cuire le sucre à perle, puis tirez les consitures.

Le muscat sans peau se fait de mesme l'autre.

Verjus.

Prenez le verjus lorsqu'il commence à meurir, ostez les pepins, mettez-le à mesure dans l'eau fraische, faites chauffer de l'eau & mettez le verjus dedans, tenez-le couuert & le laissez cuire à petit seu iusqu'à ce que le verjus air repris sa verdeur, ostez-le du seu & le laissez refroidir, & le tirez, & le metrez dans l'eau fraische, faites cuire le sucre à la plume, égoutez le verjus & le metrez dedans, faites le cuire à grand seu, & que le syrop soit cuit à perle & le tirez.

Coins.

Prenez des coins bien murs & les pelez, fendez-les par cartiers, & ayant osté le cœur mettez le fruict dans de l'eau fraische, faites boüillir de l'eau & y mettez les coins, tirez-les lorsqu'ils seront vn peu molets, & les remettez dans l'eau fraische, faites cuire du sucre à lisse, & ayant fait égouter les coins, mettez-les dedans le sucre, tenez-les couverts & les faites cuire à petit seu, vous pouvez y mettre vn peu de canelle, faites cuire le syrop en gelée, puis il faudra tirer la consiture.

Confitures seches.

Gorge d'Ange.

Prenez des letuës romaines montées, ostez la feuille & la peau bien

delicatement, & les mettez à mesure dans de l'eau fraische, faites bouilfir de l'eau & les mettez dedans, faitesles iusqu'à ce qu'en les picquants aucc vne épingle elle ne les puisse enleuer, tirez les & les mettez dans l'eau fraische, puis les tirez & les égoutez, & les mettez dans vne terine de leur logueur, faites cuire du sucre à perle & le versez par dessus, mettez-les deux iours à l'étuue, apres versez le syrop doucement dans vne bassine & les faites recuire à perle, & le renuersez sur les letues, & les remettez deux iours à l'étune, mettez-les dans la bassine auecle syrop, faites les bouillir iusqu'à ce que le syrop soit cuit à perle, mettez-les dans des pots de grais & les serrez, & lorsque vous en aurez affaire tirez-les & les faites secher à l'étune. On confit de la mesme façon les brocolis de choux, & les branches de sureau.

Abricots verts au fec.

Faites les de mesme les liquides, & apres auoir demeuré huit iours dans le syrop, tirez-les & les égoutez, & les dressez sur des feüilles de fer blanc ou

Le Conficurier

54 des ardoises, ayez soing de les retourner, & les faites secher à l'étuue. On confit de la mesme façon les amandes vertes.

Groseilles vertes.

Ostez les grains de dedans, & les faites de mesme les abricots verts.

Noix blanches

Faites-les de mesmeles liquides, & lors que vous en aurez affaire, faites-les esgouter & secher, & les tirez sur des fueilles de fer blanc ou ardoises.

Cerises à noyaux.

Prenez des cerises bien mures, lais. sez les queuës, faites les bouillir vingt bouillons auec vn peu d'eau, égoutezles & faires cuire du sucre à la plume, & metrez les cerises dedans, faites-les bouillir demy quart d'heure, mettez-les dans vneterrine & les y laissez 8. iours, apres remettez-les dans la bafine, & faite cuire le syrop à perle menu, remetrez-les dans la terrine, & estant froides faites les égouter & les dressez sur des ardoises, & les faites secher à l'estuue, & ayez soing de les retourner.

Cerises à oreilles.

Ostez la queuë & les noyaux des cerises, & les consisez de mesme celles à noyaux, & les faites secher à l'etuue.

Abricots à oreilles.

Prenez des abricots lors qu'ils commencent à meurir, ostez les noyaux, & ayant pelé les abricots bien delicatement, mettez-les à mesure dans l'eau fraische, puis faites tiedir de l'eau & les mettez dedans, tirez-les à mesure qu'ils monteront sur l'eau & les remettez dans l'eau fraische égoutez-les, puis les mettez dans vne terrine, & ayant fait cuire du sucre à perle menu, versez-le sur les abricots & les laissez reposer vn iour, puis versez le syrop bien doucement dans vne bassine & le faites recuire à perle, & le renuersez ensuite sur les abricots; continuez à faire recuire le fyrop cinq ou fix fois, & lors que les abricots autont assez pris de sucre, laissez-les reposer huit iours, & les faites égouter & secher à l'estuue, ayez soing de les retourner souvent, & les changer de feuilles iusqu'à ce qu'elles soient feiches.

Oftez les noyaux des abricots & les confisez comme les autres.

Pêches de Corbeil.

Prenez les peches vn peu vertes, pelez-les & oftez les noyaux & les confifez & tirez-les comme les prunes imperiales. Prunes Imperiales.

Prenez les prunes vn peu vertes, lors qu'elles commencent à meurir, percezles à trois ou quatre endroits auec vn couteau, faires chausser de l'eau & les mettez dedans, faires les cuire sans les faire boüillir, mettez vn peu de vinaigre dedans & les couurez, laissez-les insqu'à ce qu'elles commencent à verdir, ostez les du seu & les laissez refroidir dans leur eau, & les tirez & les mettez dans l'eau fraische, égoutez-les & les mettez dans vne terine, & les acheuez comme les abricots.

Imperiales sans peaux.

Pelez les prunes & les mettez à mefure dans de l'eau fraische, & les acheuez de mesme les autres.

Prunes de Lileuert & de Perdrigon. Elles se font de mesme les Imperiales. Poires de Blancquette.

Prenez des poires de blanquete bien meures, faites-les cuire à grande eau & grand feu, tirez-les lors qu'elles commenceront à mollir, & les mettez dans de l'eau fraische, pelez-les & les mettez à mesure dans d'autre eau fraische, égoutez-les & les mettez dans vneterrine, faites cuire du sucre à lisse & le versez sur les poires, laissez-les reposer vn iour, & versez le syrop dans vne basfine & le faites cuire à perle, continuez à recuire le syrophuit iours la dernière fois, mettez les poires auec le syrop, & faites cuire le syrop à perle, remettezles dans la terrine & les y laissez huit iours, faites-les égouter de leur syrop & les dressez, & les faites secher à l'estune.

On confit de la mesme façon les poires de Muscat & de Rousselet.

Poires par quartiers.

Faites-les cuire à l'eau & les mettez dans l'eau fraische, pelez-les & les sendez par quartiers, ostez les cœurs & les consisez de mesme la blanquere. Prenez le muscat lors qu'il commence à meurir, ostez les pepins & mettez le fruict dans vne terrine, faites cuire du sucre à perle & le versez sur les muscats, & les acheuez comme les abricots.

Muscat sans peaux.

Ostez les peaux & les pepins, & les conssez comme les precedents.

Verjus.

Faites verdir le verjus à l'eau comme les liquides, & les confisez comme le muscat sec.

Coings.

Prenez des coings bien murs, fendezles par quartiers, pelez les & ostezles cœurs, faites-les cuire à grand'eau & les tirez à mesure qu'ils seront cuits, & les mettez dans de l'eau fraische, faites-les égouter & les mettez dans vne terrine, & les acheuez comme les poires de blanquete.

Pommes par quartiers.

Prenez des pommes de reinete & les coupez par quartiers, pelez-les & ostez les cœurs, faites-les cuire à l'eau, mettez-les dans de l'eau fraische, les égou-

tez & les mettez dans vne terrine, & les confisez comme les poires blanquetes.

Les pastes de fruicts & de fleurs.

CHAPITRE XIII.

Paste de Pommes.

PRenez des pommes de reinette, les pelez & ostez les cœurs & les faites cuire à l'eau, faites-les égouter, passez les dans vne passoire ou tamis, prenez la mermelade qui en sort, faites-la seicher dans vn poësson sur le seu, remuez-la toûjours crainte qu'elle ne brûle lors qu'elle est bien seiche & ne tient plus au poësson, mettez-y du sucre en poudre & la remuez encore vn peu, & la tirez & la dressez sur des feuilles de ser blanc ou ardoises, & la faites secher à l'estuue, & lors qu'elle sera seiche d'vn costé retournez-là de l'autre en la leuant auec vn couteau,

& la remettez sur d'autre seuilles, & la faites seicher, estant seiche tirez-la & la mettez dans des boëtes de sapinauce du papier.

Pafte d'Abricots.

Prenez les abricots ostez les noyaux, faites les cuire à l'eau & les passez à la passoire ou tamis de crain, prenez la marmelade & la faites de meime celle de pommes.

De Cerises.

Prenez des cerises bien meures, ostez les queuës & les noyaux, faires-les bouillir vingt bouillons, tirez-les & les égoutez, passez-les comme les pommes.

De Framboise & de Groscille rouge. Elle se fait comme celles des pommes.

Paste de Pêche.

Prenez des pêches vn peu vertes, ostez la peau & les noyaux, faites-les cuire à l'eau, & les passez & les faites comme celles de pommes.

Paste de Muscat.

Prenez le muscat vn peu vert, ostez les pepins & le passez à la passoire, prenez la marmelade, & faites la paste de mesme celles de pommes.

Paste de Verjus.

Ostez les pepins du verjus & les faites verdir à l'eau comme pour les confire liquide, faites-les égouter & les passez, & les faites comme celles de pommes.

Paste de Coings.

Prenez des coins bien murs, pelezles & les fendez par quartiers, ostez les cœurs & les faites cuire dans de l'eau, les égoutez & passez, & les acheuez comme celles des pommes.

Paste contrefaite.

Paste de Cerises, Framboises, Groseilles.

Prenez de la marmelade de pommes, & luy donnez la couleur rouge auec la cochenille preparée ou le finabre, & faites la paste comme celles de pommes.

Paste d'Abricots contrefaits.

Prenez de la marmelade de pommes & luy donnez la couleur jaune auce les fleurs de lys preparées. Prenez de la marmelade de pommes, & luy donnez la couleur verté auec des feuilles de poirée preparées, faites la paste de mesme celles de pommes.

Paste de Violette.

Mondez des feuilles de violette de leurs boutons, pilez-les dans vn mortier, prenez de la marmelade de pommes, & meslez les violetes parmy, faites la paste de mesme celles de pommes.

Vous pouuez faire des pastes de toutes sortes de sleurs de la mesme saçon.

Paste de Gennes.

Prenez des coins bien murs, faitesles bouillir entiers, estans cuitstirez-les & les mettez dans de l'eau fraische, pelez-les, prenez la chair des coins & la passez dans vne passoire, prenez la marmelade, faites cuire du sucre à sousté, & l'ayant osté du seu mettez la marmelade dedans, & la remuez bien auec l'espatule ou culliere, mettez-la dans vne terrine & la laissez refroidir & la dressez, mettez le moule de ser blanc de la sigure que vous voulez faire sur vne ardoise, mettez de la paste dedans, & l'emplissez bien, leuez le moule, faites la paste bien vnie, eizelez-la par dessus ou y faites des ramages, faites-la scicher à l'estuue; estant seche d'vn costé retournez-la & la changez d'ardoise, & la sechez de l'autre, & lors que vous voudrez vous en seruir prenez de l'or en seuille & le coupez par morceaux, dorez vostre paste par endroits, moüillez vn peu l'endroit que vous voudrez dorer & mettre l'or dessus.

Maniere de candir les fruiets, & les fleurs.

CHAP. XIV.

Oranges Candies.

PRenez des oranges confites seches, faites cuire du sucre à perle & presque à la plume, & le mettez dans vne terrine, attachez vne épingle à chaque orange, & attachez vn bout de sil à

64

l'épingle, & attachez le fil à des batons que vous mettrez au dedans de la terrine, mettez les oranges dedans en forte qu'elles trempent toutes & qu'elles ne touchent point au fond ny au bord ny les vnes aux autres, mettezles à l'estuue, & les y laissez quatre ou cinq iours, puis les tirez.

Abricots candis.

Prenez des abricots confits, secs & les attachez, & les faites candir de mesme les oranges.

Fenouil Candi.

Prenez des bouquets de fenouil secs, attachez les par la queuë & les candissez de mesme les oranges. Vous pouuez candir toutes sortes de fruicts de mesme.

Violette candie.

Mettez les violetes auec leurs queues dans vne terrine, faites cuire du fucre à perle, & presque à la plume, mettez-le sur les violetes lors qu'il sera froid, mettez-les en lieu sec, les couurez & les laissez huit jours, & les tirez & les mettez secher sur de la paille, ne les mettez point à l'estuue.

Fleurs

Fleurs d'Orange candie.

Prenez la steur d'orange en bouton & la candissez de mesme la violete.

Fleurs de Bouroche candie.

Faites-la candir de mesme la violete. Vous pouvez candir tours sortes de sleurs de la mesme saçon, excepté la Roze.

Boutons de Reze candie.

Prenez des boutons de roze, faitesles boullir une douzaine de bouillons dans de l'eau fraische, faites-les bien égouter, & les faites candir de mesme les oranges.

CHAP. XV.

Maniere de faire les Dragées.

L faut remarquer que pour faire des dragées il y a deux cuissons de sucre differentes; L'vne est nommée à per-le, l'autre à lisse, comme ils sont expliquez dans les cuissons du sucre au Traité des Consitures; c'est pourquey on dir dragées perlées, & dragées lissées.

Il faut pour toutes sortes de dragées auoir vne grande bassine de cuiure rougeauec deux ances & plate par le sond, ou d'argent, soustenuë en l'air auec deux cordes à la hauteur de la ceinture ou enuiron, sous laquelle vous mettrez vn rechaud ou vne terrine auec du feu mediocre pour faire les dragées per-lées.

Il faut auoir vn outil de cuiure rouge en façon d'entonoir, & que le goulot soit de la grosseur d'vn ferret d'éguillette, lequel vous suspendrez en l'air au dessus du milieu de la bassine, dans lequel vous mettrez le syrop lors que vous en aurez assaire.

Amandes perlées.

Prenez des amandes douces bien entieres, & les nettoyez bien de leur poussiere & ordure, mettez-les dans la bassine, dessechez-les vn peu sur le seu, mettez du syrop dans l'entonnoit auec soing de bien remuer la bassine & faire tourner les dragées dedans asin qu'elles prennent toures du sucre également, vous les pouuez aussi quelques sois remuer auec la main, & les separer l'vne de l'autre, s'il y en a qui se tiennent, arrestez quelquesois le syrop, & les laissez vn peu reposer & secher; Vous les pouuez rendre si grosses & se couvertes de sucre que vous voudrez en continuant toûjours de mesme.

Amandes lissées.

Mettez bien les amandes & les desfechez à la bassine, prenez du syrop cuit à lisse auec vne cullière enuiron demy septier à la fois & le versez dans la bassine, & les remuez souvent auec la main, laissez-les reposer quelquessois; Vous pouvez les couvrir de sucre tant que vous voudrez, en continuant toûjours de mesme.

Pistache lisée.

Prenez des pistaches cassées & bien épluchées, mettez les dans la bassine. & y mettez du sucre cuit à lisse en mesme temps, & les faites comme les amandes lissées. Vous pouvez en faireaussi de perlées en les faisant de mesme les dragtées perlées, mais il ne faut pas les dessecher dans la bassine, il faut laisser couler le sucre en mesme temps.

Canellas de Milan.

Prenez de bonne canelle nouvelle, & la coupez par petits morceaux comme des lardons, mettez-les dans la baffine, & mettez du sucre cuit à perle dans l'entonnoir, & les faites comme les amandes perlées.

Orange perlée.

Prenez des oranges bonnes à confire, ostez l'écorce de dessus bien mince, coupez l'orange en quatre, ostez le dedans, coupez-la par petits morceaux comme des lardons, faites-les cuire dans l'eau & les confisez au see, tirez-les sur de la paille, & que tous les morceaux soient separez, & les mettez dans la bassine, & les faites comme les amandes persées.

Pois sucrez ou Annis de Verdun.

Prenez de bon Annis bien doux, nettoyez-le bien & ostez toutes les queues, & lors qu'il sera bien nettoyé mettezle dans la bassine & le dessechez vn peu, & acheuez l'annis de mesme les amandes lissées. Et si en desirez faire de plus gros il n'y a qu'a les grossir. Coriandes perlées.

Prenez de la coriande nouuelle & l'épluchez & la nettoyez bien, & la mettez dans la bassine, faites les de mesme les amandes persées.

Fenouil en dragée.

Prenez de la graine de senouil verte bien douce, & les saites de mesme l'anis de Verdun.

Abricots en dragées lissées.

Prenez des abricots confits secs, oude la paste d'abricots, pilez-la dans vn mortier auce vn peu d'eau de seur d'orange, faites-la par petites boules comme vn poix, & l'aplatissez auce les doigts comme vne nantille, laissez la vn peu secher, & en faite des dragées comme les amandes lissées.

Dragée de chair de Citron.

Prenez de la chair de citron tirée au sec, & en faites des dragées de mesme celle d'abricots; vous pouuez embrer & musquer les pastes en les pilant au mortier.

Graine de Melon.

Lors que les melons sont bons, il faut serrer la graine des meilleurs & les tenir en lieu sec, & lors que vous voudrez faire des dragées, il la faut bien dessecher dans la bassine, & faire les dragées auec le syrop cuit à lisse de mesme les amandes lissées.

Graine de Concombre.

Dans la saison des Concombres il en faut serrer la graine & la tenir en lieu sec, lors que vous voudrez faire les dragées il faut oster l'écorce de dessus & prendre l'amende de dedans, & faire les dragées de mesme celle de Melon, mais il ne faut pas les saire desse cher dans la bassine.

Graine de Citrouille.

Les dragées de cirroüille se fontaussi de mesme celle des concombres: On peut faire aussi des dragées de toutes sortes de fruicts ou paste de fruicts de la mesme saçon.

Vous pouuez embrer & musquer toutes les dragées, en mettant le musc & l'ambre preparé dans la bassine à la dernière couche que vous leur donne-

Lors due les inclous fonchons, al laux leues la grance des incilieurs de les 20-

rez auec le sucre.

Maniere de faire toute sorte de Machepain.

CHAPITRE XVI.

Machepain Commun.

Es machepains & les biscuits sont décrits dans le Pastissier François. Mondez les amandes douces auec de l'eau chaude, & les mettez dans de l'eau fraische, faites-les bien égouter, pilez-les dans vn mortier auec vn pilon de bois, ayez soing de les arrouser bien souvent auec de l'eau commune ou de sleurs d'oranges, ou autres, afin que la paste ne sente point l'huile, estat bien pilez en sorte qu'il ne reste rien de rude à la paste, faites cuire du sucre à la plume, & mettez vos amandes dedans, delayez-les bien & les faites fecher sur le feu mediocre, avez soing de les bié remuer auec l'espatule crainte qu'eiles ne se brûlet au fod, & lors qu'ils commenceront à secher, & ne plus tenir au poësson, tirez-les: Vous les pouuez seruir chaud, ou le dressez de telle saçon que voudrez, il se peut seruir aussi froid; si vostre paste est trop seche rebattez-la dans le morrier auec du blanc d'œuf, & la rendez si molle que vous voudrez: vostre machepain estant dressé faites-le cuire dans le four auec seu mediocre dessus & dessous, cette paste vous peut seruir à plusieurs sortes de machepains. Il faut à vne liure d'amande trois quarterons de sucre.

Machepain Royal.

Prenez de cette paste de machepain & la dressez par anneaux, metrez des blancs d'œufs dans vn plat & trempez vos anneaux dedans, puis les metrez dans du sucre en poudre & les poudrez bien, & les metrez sur du papier, faites-les cuire à grand seu dessus mediocre dessous, ne les leuez point de dessus le papier qu'ils ne soient froids.

Machepain Royal rond.

Il se fait comme le precedent, mais il faut mettre dans chaque anneau gros comme vne noisette de paste, & qu'elle soit faite auce des blancs d'œufs & du sucre en poudre, & la remuez bien auec yne culiere petit à petit iusqu'à ce qu'elle soit vn peu maniable, ayez soing de la bien remuer.

Machepain glacé.

Prenez de la paste de machepain commun & la dressez par anneaux, ou de
relle saçon que voudrez, saites vno
glace auec de l'eau de sleurs d'orange
& du sucre en poudre, prenez de l'eau
de sleurs d'orange, mettez du sucre dedans, delayez-le bien iusqu'à ce que la
glace soit vn peu épaisse, trempez vôtre machepain dedans d'vn costé, & le
mettez sur du papier, & le faites cuire
auec le dessus du sour, & le feu mediocre, estant cuit laissez-le ressoidir
& le trempez du costé qu'il n'est pas
glassé, & le faites cuire comme auparauant.

Tarte de Machepain.

Prenez de la paste de machepain commun & la dressez en tarte de la grandeur que vous voudrez, faites-la secher dans le four, mettez dedans de la glace que vous aurez faite auec de l'eau de sleurs d'orange, & la faites cui74 Le Confiturier
re auec le dessus du four & le feu mediocre.

Glace pour les Tartes de Machepain.

Prenez vn blane d'œuf, mettez du sucre dedans en poudre & le delayez bien, mettez-y vn peu de jus de citron, & mettez du sucre iusqu'à ce que la glace soit vn peu épaisse: On se peut aussi seruir de la glace faite auec l'eau de sleurs d'orange & sucre.

Prenez de la paste de machepain, dresfez vos cartes de la grandeur que vous voudrez, faites-les cuire au four par dessous & non pas dessus, emplissezles de marmelade de sleurs d'orange, & les glacez par dessus, faites cuire la glace auec le dessus du four.

Tarte de marmelade d'Abricots.

Elle se fait comme la precedente, sinon qu'il y faut mettre de la marmelade d'Abricots: Vous en pouuez faire de toutes sortes de marmelades.

Machepain d'Abricots unbusig

Prenez des abricots sees sans noyaux & les pilez dans le mortier auec de l'eau de seurs d'orange, mettez y du sucre en poudre iusqu'à ce que la paste soit maniable, vous la pouuez dresser en telle façon que vous voudrez, & la faire cuire au four auec du feu dessus & dessous, & pouuez aussi en faire des tarres & abesses.

Machepain de Cerises, de Pommes, Prunes & Pêches.

Tous les machepains se peuvent glacer & faire cuire la glace auec le dessus du four, vous les pouvez aussi musquer & ambrer.

Machepains d'Oranges & Citrons.

Prenez des oranges confites & les pilez bien dans vn mortier, mettez y deux fois autant de paste de machepain commun, pelez-les bien ensemble, & les dressez comme vous voudrez, & le faites cuire au four, vous le pouuez glacer.

Machepain en forme de Biscuit.

Prenez de la mesme paste & l'estendez auec vn rouleau, coupez-la de la forme d'vn biscuit & la façonnez d'vn costé auec vn cousteau, & la faites cuire auec le dessus du four, estant froide glacez-la de l'autre costé, & faites cuire la glace auec le dessus du four.

Machepain liquide.

Pilez des amandes douces dans le mortier apres les auoir mondez, arrofez les auec de l'eau de fleurs d'orange, estant bien pilez metrez y vne fois autant de sucre en poudre, & de l'écosse de citron vert rapé, dressez le en petit pain ou en forme de biscuit & le façonnez auec le couteau, & le faites cuire auec le dessus du four à petit feu, estant froid glacez-le de l'autre costé & la faites cuire de mesme.

Machepain frisé.

Pilez des amandes mondées, estant bien pilées mettez-y une liure d'amandes, trois blancs d'œuss & les pilez bien, mettez-y du sucre en poudre petit à petit iusqu'à ce que la paste soit maniable, passez la à la seringue & la dressez en anneaux sur du papier, faites le cuire auec le dessus du sour à seu mediocre, estant froid retournez le de l'autre costé: Il le faut leuer chaud de dessus le papier.

Machepain souflé.

Pilez vn quarteron d'amandes douces bien mondées, & l'arrofez d'eau de seurs d'orange, estant bien pilez mettez y six blancs d'œns & les pilez derechef, mettez y du sucre en poudre petit à petit iusqu'à ce que la paste soit maniable, passez-la à la seringue & la dressez en anneaux sur du papier, faites le cuire au sour: Il faut plus de seu dessus que dessous.

Paste de Iasmin.

Prenez des fleurs de l'asmin, par exemple vne poignée, pilez-les au morties auec vn peu de gomme adragan, mettez y du sucre en poudre petit à petit insqu'à ce que la paste soit maniable, il en saudra bien vne liure, vous la pouuez seringuer ou filler, & la faire secher deuant le seu ou à l'estuue.

Paste de sleurs d'orange. Elle se fait de mesme.

Paste souflée.

Faites tremper de la gomme adragan auec de l'eau de fleurs d'orange, passez-la dans vn linge & la broyez bien dans vn mortier, mettez du sucre en poudre petit à petit iusqu'à ce que vous ayez fait vne paste bien maniable, pilez-la bien & l'estendez sur vne table

auec le rouleau de l'épaisseur d'vn est cu blanc, saites vne glace auec de l'éau de sleur d'orange & du sucre en poudre & en glacez vostre paste, coupezla de telle saçon que vous voudrez sur du papier, & la faites cuire au sour à seu mediocre dessus & dessous.

Coquillage de sucre.

De cette mesme paste vous pouuez faire toutes sortes de coquillage & abesfe de sucre, ne les glacez point & les faites cuire deuant le seu.

Pets de Putain.

Mettez des blancs d'œuss dans vn mortier & vn peu d'eau de sleur d'orange, broyez-les bien & mettez du sucre en poudre petit à petit, faites vne paste maniable & en faites des petites boules de la grosseur d'vne noix & les mettez sur du papier, faites les cuire au sour.

Pets de putain glacez.

Faites des boules de la mesme passe & les trempez dans des blancs d'œufs, puis les mettez dans du sucre en poudre, tirez-les sur du papier & les faites cuire au four. Paste de Citron.

Elle se sait de mesme paste que la precedente, en mettant dedans de la rapure de citron.

Muscadins.

Prenez de la paste dont on fait les pets de putain, faites des boules comme des poix, mettez-les sur du papier, faites-les cuire au four à seu mediocre, & messez du musc dans vostre paste.

Muscadins rouges.

Rougissez vostre paste auec de la cochenille ou de santel rouge en poudre.

Muscadins verts.

Verdissez vostre paste auec du jus de poirée.



ne des poir, mireser les fur du papier, faces les cuite en four à feu modjocre, de mellez du mole dans voltre palles Rougilley voltre palleaucedele auchentile on de faitel conce ca condre. cadiflar voltie palte auec du jus de



LA MANIERE DE PLIER toute sorte de linge de Table, & en faire toutes sortes de figures.



W MAN OVR bien piler le linge, il faut scauoir le bien plisser & friser. Plissé & bastonné, c'est écendre vne feruiette bien blansiche, bien vnie & bien fermée sur vne table

bien nette, ou sur vne carte bien vnie & blanche quine serue qu'à cela; apres auoir estendu la seruiette dessus il la faut prédre de trauers le long de l'ourlet & le plisser le plus bas & faire les plis plus petits que vous pourrez, pressezles le plus fort que vous pourrez auec les doigts les vns contre les autres; cette façon s'appelle plié en baston rompu, cette façon vous peut seruir à met-

tre sur des couverts, ou à lauer les mains.

Lorsque les plis seront bien joints & pressez l'vn contre l'autre, vous la pouuez plier en cœur en la pliant par le milieu, & ioindre les deux bouts ensemble vers le milieu enuiron de quatre doigts de long, puis roulez la seruiette vers la pointe qui fera le cœur: ou bien vous la pouuez plier en deux ou en trois, ou laisser tout de son long.

Pour friser vne seruiete.

Lorsque vous aurez plissé la serviere bien vnie & bien pressée, il la faut friser auec le bout des doigts le plus delié que l'on peut, en commençant par le milieu ou par l'vn des bouts iusqu'à la fin: il faut auoir soin de bien presser les plis les vns contre les autres, & les tenir bien vnis. Cette façon vous peut servir à faire plusieurs sortes de couuerts en la dressant sur le pain en forme differente.

Plyé par bande.

Prenez vne seruiete de trauers par l'ourlet & la pliez enuiron de la largeur d'vn poulce, faites vn autre plis qui deborde l'ourlet encore d'vn poulce, faite encore vn plis de l'autre costé de la mesme largeur, & continuez tout le long de la serviete tenant les plis les plus vnis que vous pourrez, en apres renuersez la serviete auec la main, & la pliez en trois en amenant les deux bouts vers le milieu, puis la pliés par le milieu. Vous pouvez de cette saçon faire plusieurs couverts differents.

Plié en Melon.

Prenez vne seruiete, & estant plié par bandes, mais laissez aux deux bouts prés de demy pied sans plier, puis reprenez la seruiete de trauers & la plissez bien menu, & en le mettant sur le pain, pliez les deux bouts qui n'auront poit esté pliez par dessous le pain.

Melon frisé.

Pliez la serviete de mesme la precedente, & lors qu'elle sera plissée, repreneztous les plis de dedans l'vn apres l'autre auec la pointe d'une épingle ou d'vne lardoire en les relevant en haut, & la mettre de mesme l'autre sur le pain. Coquille double.

Prenez vne seruiete & la pliez de trauers en deux par le milieu, & pliez l'vn
des costez par bandes, & laissez pour le
moins six doigts au bout sans plier, puis
la retournez de l'autre costé & la pliez
de mesme, & prenez la seruiete de trauers & la plissez bien delié, pressez bien
les plis, ouurez les deux bouts de la seruiete qui ne sont point pliez par bandes,
mettez vn pain dedans, & renuersez la
feruiete de sa hauteur sur le pain, & que
les deux bouts soient dessous.

Coquille double & frisée.

Pliez la servicte par bandes & la plissez de mesme la precedente, & tirez les plis de dedans, de mesme que celle du meson frisé, & la dressez sur l'assiete de mesme l'autre.

Coquille simple.

Prenez vne service en longueur, & pliez environ vn pied de la servicte par dessous, & pliez le reste par bande à six doigts prés de l'ourlet, & prenez la servicte de travers & la plissez bien delié, prenez vn pain & ensermez les deux bouts de la servicte dessous, &

de plier le Linge.

renuersez la coquille sur le pain: Yous la pouuez friser de mesme l'autre.

Pied de bæuf.

Pliez vne seruiete en trois de sa longeur, prenez les deux pointes & les
amenez ensemble en faisant vne pointe
dans le milieu de la seruiete, retournez
la seruiete, prenez les deux bouts & les
ioignez ensemble dans le milieu en sorte
qu'ilse sassedeux pointes aux deux côtez
de la seruiete, ioignez les deux pointes
ensemble bien égalemet, repliez la seruiete par le milieu, ouurez deux des
bouts, mettez le pain dedans, & mettez
les bouts sous le pain, renuersez la seruiete sur le pain, & retirez vne des pointes de la seruiete sur le bas de l'assiete.

En Cog.

Pliez vne seruiete en deux de trauers, que les deux ourlets soient joints en-semble, bastonnez-la de trauers le plus bas que vous pourrez, & la frisez bien delié, ouurez la seruiete iusqu'à vn doigt prés du milieu, repressez les plis le plus que vous pourrez, mettez vn gros pain sous le milieu de la seruiete en sorte que l'areste de la seruiete soit

au milieu du pain par vn des bouts, où à l'areste vous tirerez la teste & le bec du coq, laquelle vous eleuerez en haut, vous luy ferez la crete & barbe auec du drap ou ferge rouge, & les yeux auec quelques graines rouges, lesquelles vous ferez tenir auec de la cire blanche, ou de la gomme adragan detrempée; de l'autre bout de l'areste vous en tirerez la queue que vous eleuerez en haut des deux costez de la servicte, vous en formerez les aisles que vous concherez au long bien proprement.

200 m 2 200 Le Fuifan . 1981 canod Vous ferez le faisan de la mesme facon du coq, mais vous ne luy ferez point de crete, & vous luy marquerez la teste & le col auce des petites fleurs de couleurs auenantes, & les ferez tenir auec de la gomme adragan detrempée, & vous luy alongerez la queuë & les aifles plus qu'au coq, & les tiendrez plus droites.

La Poule.

Vous ferez la Poule de mesme le Coq, mais ne luy faires pas la crere si rouge ny fi grando, ny la ceste si relede plier le Linge. 87 uée, & la queuë plus en bas & plus large.

Poule qui couve dans un buisson.

Vous plierez la serviete de mesme celle du coq, vous mettrez dedans vn gros pain, & vous serez le buisson auec les bords de la serviete que vous tournerez en rond autour du pain de la grosseur du poing, & serez sortir des espines par endroits, & serez passer la teste & la queuë par dessous le buisson.

Poule auec ses poussins.

Vous plierez la serviete de mesme celle du coq & la dresserez sur vn pain, vous tirerez ses petits des bords de la serviete, & les serez sortis par dessous ses aisles, son estomac & sa queuë: Vous pouvez aussi en faire quelqu'vn sur son dos, ayez soing de bien former le bec & les yeux.

Le Poulet.

Le poulet se fait de mesme le coq, mais il faut mettre vn petit pain, & ne luy guere faire de crete, & la queuë peuleuée.

Le Chapon.

Le chapon se fait de mesme le coq,

mais il luy faut faire vne crete raze.

Deux poules dans un pasté.

Pliez vne seruiete de largeur en trois & la plissez de sa longueur, frisez-la le plus delié que vous pourrez, & apres ouurez les deux bouts à vn doigt prés des plis, vous mettrez sous chaque plis vn pain rond, & des bords de la seruiete vous formerez comme les bords d'vn pasté, par dessus lesquelles vous ferez sortir les testes des poulets des plis qui sont sur le pain.

Quatre Perdrix.

Pliez vne seruiete de sa largeur en quatre & la bastonez de sa longueur, & la stissez bien menu, ouurez-la à vn doigt prés des plis, & metttez vn petit pain sous chaque ply & formez le bec, la queuë & les aisses d'vne perdrix au droir de l'areste de chaque pain.

Vn Pigeon qui coune dans un pannier.

Pliez vne seruiete de mesme façon que celle du coq, ouurez-la & mettez vn pain sous les plis, faites la forme d'vn pannier des bords de la seruiete, tirez la teste & la queue du pigeon au droit de plier le Linge. 89 de l'areste par dessus le pannier, & les aisses à costé.

Poulet-d'Inde.

Pliez la serviete du poulet-d'Inde de mesme celle du coq, mettez vn gros pain dessous, eleuez la teste vn peu plus haute, & tenez le col gros, mettez vn morceau de tassetas rouge sur son bec, semez la teste & le col de petites sleurs de disserentes couleurs; vous pouuez faire la queuë en rond de mesme celle du Paon, mais il ne la faut pas tant eleuer.

La Tortue.

Bastonnez une seruiete de trauers & la frisez bien delié, mettez vn pain rond sous le milieu, tirez la teste du milieu d'vn des outlets, & la queuë de l'autre outlet, & tirez les quatre pieds des quatre coins de la seruiete.

Le Chien auec vn collier.

A vn pied d'vn des ourlets de la seruiete faites vne bande d'vn poulce de large, & bastonnez la seruiete de sa longueur & la frisez, excepté la bande que vous eleuerez en haut par plis de mesme la coquille frisée, de laquelle vous ferez le collier, mettez vn gros pain long fous le ventre, & vn à la teine dans la teste, que vous eleuerez vn peu en haut, & tirez les quatre pieds des quatre coins de la serviete.

Cochon de laict.

Pliez la serviete de mesme celle du Chien, mais n'y faires point de bandes, faites la teste vn peu longue & l'abbaissez en bas, mettez vn pain vn peu gros dans la teste, & vn long sous le ventre.

Bastonnez la serviere de travers & la frisez bien delié, mertez vn pain long sous la servicte pour former le ventre, mettez vn petit pain pour former la teste, faites les quatre pieds des quatre coins de la servicte, & le tenez le plus long que vous pourrez.

Deux Lapins.

Pliez la serviere de mesme celle du Lievre, mettez deux pains longs dessous, faites vne separation de la seruiete entre les deux pains, ne tenez pas les corps fi longs que celuy du lievre, ny la telle si grosse: vous pouuez tourner vne teste d'vn costé & l'autre de l'autre.

Pliez vne seruiete par bandes de trauers, & que les bandes soient d'vn poulce de large, bastonnez-la, & releuez tous les plis de mesme que la coquille frisée, mettez vn pain rond dessous, faites vostre seruiete bien en rond, tirez les quatre pieds des coins de la seruiete, & saites vne petite teste.

Le Brochet.

Faites vne bande de trauers à la seruiete qui ait demy-pied de large, faites que l'ourlet soit ioignant le bord de la bande, bastonnez la seruiete de sa longueur & la frisez, faites au dessaut de la bande enuiron quatre doigts de frisure, & laissez quatre autres doigts sans friser, refrisez encore quatre doigts sans friser pour former la queuë; mettezvn pain long sous la seruiete & rangez bien les bords, mettez vn autre pain dans la bande qui n'est point suisée, de laquelle vous formerez la gueule.

La Carpe.

Bastonnez vne seruiete de trauers, frisez enuiron demy-pied & en laissez

cinq ou six doigts sans friser, frisez en encore autant, & en laissez autant sans friser, & laissez à vn bout deux ou trois doigts sans friser pour faire la queuë: mettez vn pain long sous la serviete pour faire le corps, & vn à la reine pour faire la teste.

Le Turbot.

Bastonnez vne seruiete de trauers & la frisez iusqu'à quatre doigts de l'vn des bouts, mettez vn grand pain rond large & plat sous la seruiete du bout qui ne sera point plié, retoutnez le en rond autour de la seruiete, faites vne petite teste & vne petite queuë.

La Barbuë.

La Barbuë se fait de mesme le Turbot.

La Mitre.

Pliez vne seruiete de trauers par le milieu, & saites que les deux ourlets soient ioignants ensemble, repliez les quatre coins de la seruiete en dedans, en sorte que cela fasse vne pointe dans le milieu qui soit large d'vn poulce ou enuiron, bastonnez la seruiete de salongueur, faites-la bien deliée, excepté la

poince que vous laisserez sans friser, ouurez la serviere par la pointe, mettez vn pain rond dans le fond de la seruiete & la refermez, dressez la pointe en haut à demy ouverte, vous pouvez mettre vn pain long dedans pour la temir droite.

Croix du S. Esprit.

Prenez vne seruiere quarrée, ou la pliez par vn bout en sorte qu'elle soit bien quarrée, pliez les quatre coins de la seruiere dans le milieu, & qu'ils so ioignent bien, & faites que les quatro pointes soient bien vnies & égales, retournez la serviete de l'autre costé, la pliant de mesme façon, retournez-la encore vne fois & la repliez de mesme, & la croix se trouvera bien formée: vous pounez mettre vn pain rond desfous.

Croix de Lorraine.

Pliez la serviere de mesme la presedente & la retournez de l'autre costé, renuersez la pointe du milieu de la seruiete sur les quatre pointes de dehors : vous pouuez mettre le pain rond dans la croix ou sous la seruiete.

meritan omn ione dedans pour la ce-

asiorh vie



Pier I ferriere de melmela era

·希格格格格·格格格·格格格格格

TABLE DV CONFITVRIER.

A	Angelique, 14
Mbre preparé,	Abricots verts, 43.45-53
A 7.	Amandes, 44
Aigre de Cedre, 17	Alberges; 50
В	de Canelle, 20
Blanchir les fruits & les	F F
Acurs. 31	Framboise, 44
C	G.
	Groseilles, 44.54
Caramelle, 30	Gelée de Pommes, 37 de Grenade, 38
Cerifes, 54	de Grenade, 38
Clarifier le sucre, 9	de Coings, 41
Coins, 52.58	Gorges d'Angers, 52
Cotignat, 42	H
Compotes de pommes,	Hypocras, 12
de Marons, 38	
de Citrons & Oran-	
ges, Id. de Poires, 39	M
d'Espine Vinette, 40	Musc prepare, 7
Conserue de plusieurs	Marons au lec, 40
façons, 26	glassez, 41
Coquillage de sucre,	en Compote, 38
78.	Mufcar, 51
Couleurs preparées, 8	Mulcadins, 79
	G

TABLE. Cuisson du sucre, 10 Machepain de plusieurs 32 façons, Citrons, Dragées de plusieurs fa- Noix blanches & ver-65 tes, 49.54. cons, Eaux de Framboise, 18 Oranges, 32 de Iasmin, 19 d'Epine-Vinette, id. Paste de fruits & fleurs. de Coriande; id. 59.77 d'abricots id. Paste de sucre, Piftache. 27.41 Pêches, 51.56 Sorber d'Alexandrie Poires de Rousselet, & 16. autres, 48.57 Syrops diuers, 20 Pets de putain, 78 Prugnes, 46.56 Tranche de jambon, Praslines, 24 30 Populo, 14 Plierlelinge, 81 Verjus,

Fin de la Table du Confiturier.

R Via brûlé, 15 Rossoly, 13 des Dieux, 16

51.58



EXTRAICT DV PRIVILEGE du Roy.

AR grace & Privilege du Roy; il est permis à IEAN GAILLARD Libraire à Paris, d'imprimer ou faire imprimer Le Consiturier François, &c. Et desences sont faites à tous Imprimeurs, Libraires, & autres de quelque qualité & condition qu'ils soient, d'imprimer ou faire imprimer, vendre ny distribuer le dit Liure, si ce n'est du consentement du dit Gaillard, & ce durant le temps & espace de cinq ans, comme plus amplement est declaré en l'original des Lettres données à Paris le 26. Avril 1658.

Signé, MABOVI.

Acheué d'imprimer pour la premiere fois le 5. Février 1660. siere alexandre 10 , seriere

